

Khri's' Suangphum

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XVII. No. 8

Private circulation

February 24, 2019

Pituhinna khawnggaihna –

NEHEMIA APAN KHAWKNGAIHNA HINKHUA

- Nekkhothang

Bible hon kawkmuhdan a Tualsung Saptuam khat pichingtak a kivaihawmna tuh Tanchinhoih gentu (Preacher/Evangelist), Upate leh Diakonte nei a kivaihawmna ahi (Eph. 4:11-13). Hiaipen tuhun a i tunphak nailouh ahihziak in huaitan i tun theihna diing ua khangtou diing leh pichin diing tuh i maban uh ahi hi. Huaiziak in, huaitan i tun theihna diing ua poimoh khat tuh - KHAWKNGAIHNA ahi. Thil khempeuh a khawnggaihna a om nakleh hihzohlouh a omkei tangpi hi. Huaiziakin, tua i tun zoh nailouh uh Tualsung Saptuam pichingtak a kivaihawmna leng i khawnggaih louh ziak uh hi diing in a gintak huai hi.

Nehemia apan Khawnggaihna hinkhua zildek I hihman in amah tanchin tomkim en masa leng i chi hi. Nehemia tuh Hakalia tapa ahi (Neh.1:1). Huan, amah tuh Babulon Kumpipa Nebukanezzar in Jerusalem ava sim/dou lai a Pasal hat leh hoih teng Babulon a apite (asal matte) lak a telkha hiding a gintak ahi (II Kum. 24: 15-16; II Kro. 20:20). Huan, Babulon Kumpite a hong kiak ua Persia Kumpite'n Babulon a hong lak ua, salmat a om tousawn ahi hi (II Kro. 36 : 20). Huchiin, Persia Kumpipa Artaksarsi dawn diing wine petu in a pang a (Neh. 2 : 1), Susan inpi a om ahi hi (Neh. 1:1).

Amah pen Persia Kumpite nuai a sem himahleh a mite leh a khopi siangthou uh Jerusalem ngaina leh a tanchin thei ut gige ahihdan muhtheih in om hi. Huchihlai in a Unaute lak a khat Hanania leh Juda akipan kuate hiam ahong ua amaute kiang ah, Jerusalem leh huai a nutsiat a om a mite tanchin ana dong hi (Neh.1: 2). Huchiin a Unaute'n mite sukgentheih a om a, Jerusalem kulhbangte hihchip a om a, kongpite mei a kang ahihdan ahilh uhi (Neh.1:3). Huan, huai thute a zakin a tu a, a kap a, ni bangzah hiam a suun a, Pathian kiang ah ann gawlin a thum hi (Neh. 1: 4-11).

Huan, Jerusalem leh kulhbangte suksiat a om atheih in a dah mahmah a adah mahmah ziak in Kumpipa'n leng a mel akipan dah ahihdan a muthei hi. Huaiziakin a dahna ziak a dong hi (Neh.1:11). A Pathian kiang ah "tuin na sikha lohchingsak inla, hiai mi mitmuh in a kiang ah chitna pia in" chi a anget dingzui in Kumpipa'n leng a kiang ah a nget teng pichinsak hi (Neh. 2:3-8). Huan, a ngetna pichinsak ahih toh kiton in, a khawnggaihna in Jerusalem kulhbang sesa tungding nawn diing a makai hihna a tungsak hi. Nehemia makai hihna tuh Pathian in a chial hiam, mipite hiam in a koih uh ahikei a, amah khawnggaihna ziak a makai hong hi ahihdan hiai bang in i muthei hi. "Huchi in, Jerusalem ah kahong a huai ah nithum ka omta hi. Huan, zan in kathou a ... atung a ka tuanna ganta chih louh leng a omkei hi. Huan, zan in Je-

rusalem kulhbangte leh mei a kangsia kongpite kavelta hi" (Neh.2:11-13) achi hi. Hiai bang a Inn leh Kulhbang siate a etkimvel lam kuamah a theisak naikei hi (Neh.2:15-16). Huchiin thil bangkim a siatdan leh a bawl phat/hoih diingdan tengteng mite kiang a agen ma in aman a velchianvek masaphot hi.

Huchibang a thilbangkim a velchet khitnung in, mipite kaikhawm in adinmuntak uh hilhchian masa hi. "Huan, akiang uah, i dinmun uh hoihlouhdan namu ua, Jerusalem asiat khitdan, huai a kongpite mei a akat khitdan, simmoh a i om nonlouhna diing un, kisa un Jerusalem bang i lamnawn diing uh" (Neh.2:17) chiin mipite thil omdan theisiamsak masa hi. Huan, huai nasepna diing pen Pathian hatna toh Kumpipa phalna ziak a hongkuan ahihdan leng mipite theichian sakvek hi. "Huan katung a hoih ka Pathian khut tanchin amau kahilh a; ka kiang a agen Kumpipa thute leng" (Neh.2:18). Huchi in, mipite'n huai thute a theihtak un huai nasep hoih sem diing in a kisa uh chih I muthei hi. "Huan, amau (mipite'n) thouni in lam ni, achi ua, hichin nasep hoih sem diing in a khutte uh a hatsakta uhi" (Neh.2 : 18).

Hichibang a nasep hoih sem a mite a buailai un leng a buaihuai mahmah nawn khat tuh "a miliante uh huai nasepna ah anak pan nuamkei uhi" (Neh.3:5) chih ahi. Huan, hiai kulhbang sesa tungding thaknawna pen sa-le-gal lak a sep ahihziakin (Neh.4:17-18) khawnggaihna/tupguhna tellou a zoh diing ahikei hi. Hichibang a nasep a tha-it huailai in amaute lak a nek-le-tak a buainate ziakin buaina namailou hong om in a neizou zawte leh a neilou mite kal ah buaina hong om hi. Huchi in, Nehemia in huaite pilvangtak in vengsak hi (Neh.5:12-13).

Huchibang a omlai in galte'n (Sanbalat, Tobia leh Gesemte'n) amau lak a mi Semei ana guai in Nehemia tuh biakinn sung a lut a kong kikhak khum diing in ana chial sak ua, himahleh amah a utkei hi (Neh.6:10-12). Hichibang haksatna a tuahchiang in Nehemia tuh a Pathian kiang ah a taizaw gige hi. Huaiziakin, heutu khat I hihleh



PLACE OF WORSHIP

UCI Building,
Sector - VI. RK Puram,
New Delhi - 110022
Phone No. 9953968807

**'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'**

Website : cocdelhi.org

Enkaitu : Jamson Guite

BIBLE CLASS

Class

Adult : Chinpau, Khenpi
Junior : Timothy & Robert
Primary : H. Ngaihlan & Biaknem
Beginner : Vungngaihkim & Biakkim

Teacher

Toupani' Thilpiak

(17/02/2019) - ₹ 29,684/-

BIAKNA PROGRAM

Toupani' 24/2/2019

Hun-uk thumna : Jangthang
Lapi : Mungsuan
Thilpiak : Khamthianmung
Theihgigena : Khamminthang
Thugen : L.James
Thumna : Siamkhanmuan

BIAKNA PROGRAM

Kiginni 2/3/2019

Hun-uk thumna : Nekkhothang
Lapi : Mungmuanlian
Thugen : Ginlian
Thumna : Kham James

Amun: UCI Building.

Sector - 6, RK Puram

BIAKNA PROGRAM

Toupani' 3/3/2019

Hun-uk thumna : Nekkhothang
Lapi : Mungmuanlian
Thilpiak : Timothy
Theihgigena : Kamkhenthang
Thugen : Jamson
Thumna : Khamminthang

TUNI TUAILAI PROGRAM

(24.2.2019)

Hun-uk : Thanglian
Lapi : Lamsuanmung
Thugen : Pauliansiam
Thumna : Nangmuanlal

Second Session:

Pitu: Ginsuan

**Amun: Unp. Chinpau inn,
Chanakyapuri, New Delhi**

THOUGHT OF THE WEEK

**Mi thilphal hi in, huchi in na lohching diing hi.
Midangte panpih in, huchi in panpih in na
om diing hi (Paunakte 11:25).**

THU TUAMTUAM

PAWTKHAWMNA OM

❖ Kal paita Toupani biakna zoh in benevolence committe maikaihna in Dwarka a unaupa Chinsuanmung-te in ah Saptuamte'n pawtkhawmna kinei hi. Damlouhna vai a pawtkhawmna hi a, tukum a diing a amasapen leng ahi. Kum dang toh teh in damlou veh a pawtkhawm kitam mahmah a nuam mahmah hi. Unau khat tung a thilhih tuh Jesu tung a hih (Matthai 25:34ff) ahilam thei gige kawm in maban ah leng hiai bang a nasep hoih sep diing in kiman-sak chiat ni.

MEETING OM DIING

❖ A hongtung diing tun kiginni tarik 2.3.2019 chiang in Mohammadpur a unaupa Jamson inn luahna ah zinglam dak 11 apan Saptuam business meeting neih hi diing hi. Un-aute'n ngaikhok in a tamtheipen tel diing in kisa chiat ni. Maban a Saptuam nasep diing leh program sehstate toh kisai kikap hi diing hi.

THU TUAMTUAM

KI-AT DIING

❖ Ahongtung diing tukal a nilaini (27.3.2019) chiang in unaunu Donn-gaihlian AIIMS ah anung guh ki-at diing hi. Zan kiginni in Hospital ah ana lut mahleh uh nilaini diing a asuanziak un pawtkhenawn uh a sepnawnni chiang in lutthak nawn diing uhi. Lohchingtak a hong ki-at theihna diing in thumpih ni hang.

CAR LEITHAK

❖ Unaupa Thangdoulian-te nupa in leng Pathian vualzawlina toh **Honda Jazz** car khat ana leithak uhi. Kipahuai mahmah. Toupa thupha!

EXAM DIING UH

❖ Tukal apan in pawl X leh XII-te exam-ta diing uhi. Hoihsang leh Freda-te'n X exam diing ua, unaupa Lunsang in XII exam diing hi. Ahong lohchin uh i deihsak uh. All the best.

TUAILAI PROGRAM

❖ Tuni biakkhawmna zoh chiang in tuailaite'n unaupa Chinpau inn ah program nei nawn diing uhi.

Pek mailam sutzopna...

kiliansak/kithupisak mailou a Nehemia bang a Pathian kiang a tai pahpah diing I hidan hontheisak hi (Kol. 4 : 1-2).

Huchiin, Nehemia khawngaihna ziak in Jerusalem kulhbang leh a siatna tengteng bawlzoh in hong omta hi (Ezara 6:14-15; Neh.7:1). Huchiin, aman Jerusalem kepna tuh Hanani leh Hanania-te kiang ah pia hi. A ziak tuh amaute mi ginom ahi ua, tampi sang a Pathian laudansiam ahihziak un (Neh.7:1-2). Hiai thu apan in Nehemia makaitu a hong pianna ziak tuh a khawngaihna ziak ahi chih I muthei hi. Huchi mahbang in, Tualsung Saptuam Upate, Diakonte nei a kivaihawmna diing ah leng utna dik leh khawngaihna a omnak leh zohlouh diing a omkei hi. Nehemia leng a khawngaihna ziaikin Kumpi innsung nuamtak a pan in sa-le-gal lak ah hangsantak in a kuankhesak a, a sesa leh a chimgawpsa Jerusalem leh kulhbangte ni tamlou sung in vatung ding nawn hi.